

Мокшэрзянь  
ВЛКСМ-нь обкомть  
и Саранскань  
Горкомть газета-  
ска

Редакциянь адресонь:

Саранск, ул. Карла  
Маркса 9— „Комсо-  
молонь вайгяль“

Газетать питнец  
ковс 60 трешник

# КОМСОМОЛОНЬ ВАЙГЯЛЬ

7

НОВАБРЬСТА  
1935 КИЗОНЯ  
124 (225) №

Лисонди омбоце киз кошти 12

Сембе странань проле-  
тариятне! Колониянь люп-  
штаф народсь! Сяда вярн  
Ленинонь знамянц! Ингели,  
капитализмать штурмован-  
дама!

## ШУМБРА УЛЕЗА ОКТЯБРЯ XVIII ГОДОВЩИНА!

### КЕМКАФКСУВА КИЗОТ

Иотась кемкафксува киза, кода  
человечество инголе ушедсь  
эряфонь од историй. Кемкафксува  
киза, кода Россиянь пролетариатсь  
беднейшай крестьянство мархта  
Ленинскэй большевистскэй партият  
руководстванц ала сязезень экспло-  
ататорскэй цинзерхнень, тапазе  
эксплоататорскэй, грабительскэй  
оцюзоронь помещиконь государ-  
ственнай машинат и лядась йоф-  
сикс од правительства—рабоче-  
крестьянскэй правительства.

„Ингольден пингонь револю-  
циятне обычно зделакшневсь  
сянь мархта, што полафневсь  
правления кормилат вассе эк-  
сплоататоронь фкя группатне  
эксплоататоронь омбоце группат-  
нень мархта. Эксплоататорхне  
полафневсь, эксплуатациясь ля-  
донць. Тяфта ульсь тевсь раб-  
тнень освободительнай движе-  
нияснон пингста. Тяфта ульсь  
тевсь крепостнойхнень восстани-  
яснон пингста. Тяфта ульсь тевсь  
Англиясь, Франциясь, Германиясь  
известнай „великай“ револю-  
циятнень „пингста“ (Сталин. Ок-  
тябрьскэй революция, между-  
народнай характероц).

Аньек Российскэй пролета-  
риатсь машть шарфтомонза исто-  
рият капитализмать каршес. Ань-  
ек русскэй пролетариатсь Ленин-  
скэй Сталинскэй партият руко-  
водстванц ала сязезе мировой им-  
периализмань фронтть и фкя инь  
оцюзоронь масторса тисть  
(установили) Советскэй Социали-  
стическэй Республика.

Октябрьскэй революциясь йор-  
дазень капиталистнень, помещи-  
кнень, тяка пингова сязезень наци-  
онально-колониальной гнетонь  
цинзерхнень. Сон нолдазень воляс  
(освободиндазень) сембе нацио-  
нальной угнетеннай ломаттнень.

Октябрьскэй революциясь путсь  
пе эксплуатацияти, угнетенияти и  
путсь ушедкс социализмань строя-  
мати. И вов кемкафксува киза кода  
рабочай классь крестьянство мар-  
хта ссюзса, Ленинскэй Сталинскэй

партият руководстванц вельде стро-  
йхть класс фтома социалистическэй  
общества.


Капиталистонь масторса обнаг-  
левшай контрреволюционнай фа-  
шизмась трудяй ломаттнень вяцня  
нищетас, вачашис и разорениясь.  
Фашизмась эрь шиня аноклай од  
захватнической войнат, мялец фа-  
тиамс од колоният и тоса сядонга  
пак люпштамс трудяй ломаттнень.  
Италиянь фашизмась организова-  
дась кровавай бойня Абиссиният  
территориязон эса и йорай Абис-  
синиянь трудяйнень шарфтомс каф-  
ксть порабощеннай ломанькс.

Кемкафксува киза, кода минь  
мокшэрзятне, сембе союзонь  
трудяйхнень мархта строяхть со-  
циализма. Кизоста кизос касы на-  
циональной формаса, социалисти-  
ческой содержаниясь мокшэрзянь  
культура.


Ленинскэй сталинскэй виде на-  
циональной политикат йотафне-  
манц вельде, минь Мордовиясонок  
касыхть эсь радной кяльса куль-  
турнай учрежденияньке. 232 ты-  
сянь идь минь Мордовиясонок то-  
нафнихть эсь кяльсост. 238 аф пол-  
най-средней, 31 средняя шко-  
лат, 9 техникумт, 3 ВУЗ-т и пак оцюзоронь  
количества начальнай школада  
паньчфт минь Мордовиясонок, мокш-  
эрзянь од ломаттненьди тийфт  
сембе возможностьтне, штоба сатомс  
средней и высшай образования.

271 лечебнай пунктт работахть  
минь Мордовиясонок, коса лечин-  
дахть Мордовиянь трудяй ломаттне.  
Ингольден церкафнень, кабакнень,  
монастырхнень васт, касыхть мок-  
шень колхознай клубтне, морафне-  
ма худтне и якстерь уженяньне.

Нят сатфксне сатфт партият и  
сембоньди кельгома Сталинть на-  
циональной трудяйхнень культу-  
раснон и благосостоянияснон  
ке подеманд ингса эрь  
шинь заботаснон вельде. Нят сат-  
фксне сатфт коммунистическэй пар-  
тият виде национальной полити-  
канц вельде, конань вяцы великай  
мудрай вожденьке Сталин ялгась.







# Ладясаськ рабоче-крестьянской одломаттень коммунизматъ духса воспитанияснон. Шумбра улеза комсомольской племясь—большевистской партияти могучай резервсь и надежной лездысь!

Мордовиясь тяни

## Социалистической мордовияса касы социалистической культурась Культурной учреждения мордовияса

Театрада—1 (моксэзьянь), кино-театрада—42, соцкультурна кудта—20, колхознай клубта—656, фкя радиовещательная станция, библиотекада—134, нолявихт 63 газетат, 5 журналхт.

### Касыхть национальной кадратне

Мордовияса улихть 2 композиторхт, 36 художник, артистта—46 писательде—42, начальнай школань средний и высшай школава преподавательде—4232, конатнен эзда 1662 ломаньць коренной национальността, трактористта—3400, комбайнерда 160, шоферда—320

### Касы социалистической школань сетьсь

Начальнай школада—1072.  
Неполнай-средний школада—238.  
Средний школада—31.  
Техникумда—9.  
Высшай учебн. заведенияда—3.

### Мордовиясь арси грамотнайке и культурнайке

Тонафнида начальнай школаса—178240 лом.  
Неполнай-средний школаса 48400 ломань.  
Средний школаса—3730 лом.  
Техникумга—1733 л.  
Тяда башка 59565 идь воспитанпакшневихт дошкольной сетьса.

### Касы социалистической велень хозяйствась

Трудай крестьянствать эзда 70 процентсь пуромсть колхозс.  
Мордовияса совхозда, 45 МТС-да—27.  
1353 трактор урядайхть Мордовиянь паксатьнен эса. Комбайнада 45, и 132 автомашина.

### Оцю темпса касы промышленности

Мордовиясь территорияса 74 предприятия, коса работахть 69625 ломань.  
Нят рабочайхнен эзда 22 процентсь коренной национальностень эзда и 14 процентсь ават.

### Касыхть моксэрзятнен лечиндамань учреждениясна

Больницада—44 аван и идень консультациянь учрежденияда—13, фельдшерский и акушерский пункта—100, башка врачбно-фельдшерской трахоматозной пункта—114.  
Мордовияса работахть: врачта—130, пеень лечама врачта—19, фельдшерда—231, акушеркада—126, лия средний медицинской работникта—401

### Рабочай и колхозникионь од ломатьтне кемокснесазь шумбра шиснон

Мордовияса тийгт 2 оцю стадионтт, 76 физкультурнай площадика 3 ведень станцият.  
12900 од ломань фтыфгт физкультурнай движенияса.  
3175 од ломань каньнихт ГТО-нь значект и 773 идь каньнихт Б.Г.Т.О-нь значект.

Поляков

Зубунь РОНО-нь заведующайсь

### УЛИ МЕЗЕНКСА РАБОТАМС

Мон улень беспризорникос.  
Импералистической и гражданскай войнатне, комсь фицеде вача кизос, тиемазь монь круглай сиротке милостынян андикс и саялкс.

Лама кизот мон бралгондонь необятнай странат эзга, начкондонь сьоксе вень пизенень ала, утцен пирьф ортатнен ваксса. Курок монь урядемазь комсомолешне. Максозмазь монь детдому. Тоса монь штамазь, щамазь карямазь. Кармань мон тонафнема, аделайне 1-це ступень школате, тяда мяле 9-ти леткат и кармань ра-

ботама педагогической работаса. Тонафнемс, сембедонга пях вазень кизотнен, ульсь пях стака. Коланга изине тонадкшне детдомовскай и школьной дисциплинати.

Усксь эсон монь минимай „воляти“, ошнен эзга странствованийненьди, базархнен и шинкатнен эзга бралгомати. Сембе сьяка кемоксневонь и кирдыне. Пединститутса тонафнемста сувань комсомолу. А институт аделамок монь путомазь райОНО-нь заведующайкс.

Идькс пиньгозе йотась асфальтонь котелхнен ваксса, кудонь ортатнен ваксса, заборхнен ваксса, вагоннай ящикнен эса. Алэзень и тязьен аф Мяляфайне. Корхнен, што алэзе ульсь шавф германскай войнаса, коса бли Мазурскай озерахнен маласа, а тязьез кулосе вача шиди. Мон тунь беспризорничнама.

Вагонно ящикнен эса арнен ошста-ошс, станцияста-станцияс, разезда—разезду молекс. Салсекшнен, сускомонкса морхт морсен, анекшнен и арьсен: „сембе эря-

фозе тятта йотай“. Монь ялга „уркатнен“ йоткса—блатнай мирста, симоньден винада, налкхондонь картаса, куренлань опиум, но лись стания, што монь сьавомазь ульшаста и кучемазь идень колонияз. Ламоксь ворьгодьхнен тоста. Монь мялезон изь тушенда идень чистай кудса эрямась, чистай щамонь каньнемазь, эрь шиня шинкшнемась.

Но монь меки кундсмазь. Мекпалыпеда путомазь Балашов ошу ОГПУ-нь трудкоммунав. Таса поразиндамань обстановкас: кодамо-вок охрана аш, тейне содаф

блатнай мирста шабатыне—ингольден беспризорникне и взрхне, работасть и тонафнемс. Мэнга арьсен лядомс. Кармань тонафнема, сувань комсомолу, и кафта кизода меле арань инь цебарь производственникос и общественникос.  
Курокста комсомолсь монь кучемань Ширингушу суконнай фабрикав. Таса мон ватень руководства комсомольскай работат лангса и сувань партияз. Аф лама пингта меле монь йотафтомась одс строезаводу „Дубитель“, коса и работан мон профсоюзонь завкомонь

председателькс.

Эрян цебарьста, урьвянян, ули идезе. Работан тяни эсь содама шизень касфтомань лангса, лама книгат лувондан, занимадкашьян музыка и драматической искусстват мархта. Налкхан заводонь драмкружка и монь режиссерсь постановкатынен лангса. Йоран эрямс и эрямс, штоба нземс эсь родинаньконь-сай пингонь прекасаенц.

„Дубитель“ заводонь завожоть председателец И. СОКОЛОВ

## Советтненъ властьюснон задачанзон колга

(Р. и С.Д. Петроградская советть заседанияснон доклад ноябрь 7-це шистонза (октябрь 25-це шистонза) 1917-це кизоня)

Ялга! Рабочаен и крестьянон революциясь, конань эрявомань колга прокс корхненъ большевикне, тиевсь.

Кодама значения рабочаен и крестьянонъ революциясь? Васен дакие, та переворотъ значения аши сян эса, што минь кармай улемь Советской правительстваньке властен минь ценъ собственнай органоньке, конань эса буржуазия аш кодамовок участия. Люп штаф массатне синь тийхть власть. Юрнек ули талаф сире государственнай аппаратъ, и ули тийф управления од аппарат, конань эса кармайхть улемь советской организацият

Тяниенъ шиста сьавомок кармай улемь од полоса Россият историяснон, и та русскай колмоше революциясь эсь аделавомонза меле должна ватемс социализматъ победанцы.

Минь задачанькен эзда фкя очередной задачек аши ся эрявикс шисъ, штоба курокона аделамс войнась. Но сян инкса, штоба аделамс та войнать, кона кеместа софтяниен лингенъ капиталистической строй мархта,—шарькодеви сембеньди, што тянь инкса эряви саськом соньць капиталс.

Тя тевса тейнек лезды ся сембемиронь рабочей движениясь, кона

ни ушедкшни касома келемом-Италияса, Англияса и Германияса.

Справедливый, курокстонь мирсь, конань минь азоськ международной демократияти, сембе вастова муй ламбе васьфема международной пролетарской массатнен эса Сян инкса, штоба кемоктамс пролетариатъ та довериянц, эрявихть курокона публиковандамсембетайнай договорхне

Россияса крестьянствать оцю палкоц мярьгсь: саты капиталисттнен мархта налкхемась,—минь мольтяма рабочайхнен мархта. Минь саттама крестьянствать ширьде доверия фкя декрета, кона машфты помещиконь собственностъ. Кресть

яттне шарькодихть, што аныек рабочайхнен мархта союзса крестьянствать спасениян. Минь тийхть-ма подлиннай рабочей контроль производствать лангса.

Тяни минь тонадоме дружна работама. Тянь колга корхтай аныек тяниенъ тийф революциясь Минь ули массовой организациянь стама виеньке, кона сьаксы сембень и ватысь пролетариатъ мировой революцияти.

Россияса минь тяни должеттама кярмодемс пролетарской социалистической государствань тиемати. Шумбра улеза сембемиронь социалистической революциясь!

ЛЕНИН

Мордовиясь инголи

## Оцюазотъ и помещикненъ мархта люпштаф мохшетьне эсь эряфсост содсестъ аныек ницета, вача ши и Разорения

### Вов кодама ульсь культурась

Церкьвада ульсь—620, монастырьде—30, мечетате—117, сектантонъ кудта—21.  
Нятнен эса Мордовиянь трудайхнен верда потясть: Попта—660, мовахта и мовахняда—1564, муллада—340, послушницада—1278, сектанскай настоятельде—45.

### А вов кода мохшетьне и эрзятнен тонафнемс школаса

Сембе Мордовияса ульсь  
Начальнай школада—89 и повышеннай типонь школада—6.  
Нят сембе школатнен эса тонафнемс 1150 ломань.  
Грамотностъ Мордовияса ульсь 12 процент сембе населениянъ эзда.

Мохшетьнен и эрзятненъ ашельхть синьценъ газетасна, журналсна.

Ашель фкявок театрасна и киносна.  
Оянъ васт Мордовияса лама ульсь кабакта, церкьвада, тюрьмада, монастырьда.

### Мордовияса промышленности

Ульсь 59 кустарнай типса карликовой предприятиянат, коса работахть сембоц 1946 рабочайхт.  
Пцтай ашельхть Мордовияса больницат, а кда ульсь, то синь обслуживандакшнез аныек попненъ, помещикненъ и кулакненъ.

## Тонафнемань стахановецне

Березниковань школьной комсомольскай организаторсь Куприказ ялга 9-це классонь ученик. Сян школаса аф аныек соньць тонафни на „отлично“, но и лезды лизды ученик-ендиньге. Комсомолешне сьавоньдихть эсь организаторсон эзда кеподкс. Синь сембе 14 комсомолецкс тонафнихть на „отлично“ и „хорошо“.

Воз Царькова Олясь учитель эрь кизефсонцты, сонь анок виде, толковой ответоц и Олянь кядец

прокс ныеи сембень йоткса; сембеда сериста кеподф.  
— Секретсь тоса,—корхтай Оля,—што мон работан аф аныек кудса учебниконь коряс, ко и йотафнесайне эсь содама шинень тев: технической кружокса.

Тонафнемань тяттама отличникта—стахановецта Б.—Березниковань школаса октябрьхт 18-це годовщинацты аноклась 60 ломатъ, конат тонафнихть на „отлично“. Комсомолец

Г. Пьянзин

## Пингтне летфнихть пингтненъ

Йотась пингт  
И пингтне летфнихть пингтненъ,  
Летфнихть сятненъ,  
Конат крфастъ толга!  
Ся пингт краенне каньнесть  
Сазентф кядьтненъ-пилькненъ,  
Эста модась  
Щафоль веры орса!  
Равжа Душась  
Алу праматярафтьс  
Сьоксенъ няжи вярмась  
Нефнесъ лата прятненъ,  
Виенц мархта вирькненъ  
Синьнесъ,  
Тарксье—  
Веляфтьс!  
Нльня ашель коза  
Ся пингт кундамс кядьтненъ...  
Но боине  
Сян эзда истъ пеле,  
Кема кядьса—  
Кемоста кирьдсть штыксон!

Васень рядса  
Ульсь командирсь—Фили!  
Шавсть аф пелезъ  
Каршек моли врагснон.  
Тяфта тюрф  
Ся пингт пях лама вастса,  
Эста сьавосъ.  
Власть,  
Заводтненъ,  
Модать:  
Тюрф аф стак  
А лифтьск праньконъ ашта  
И эсь прятонк  
Машфтозск вайдса—шобдаты!  
Вов и корхтанъ  
Пингтне лятьфнихть нингненъ,  
Кса азфт лац  
Веры тюрматненъ,  
Ну, а тяни  
Социализмв киньке  
Зажигочнай эряфсь  
Машфтозень нужатненъ.



Лама миллионнай ударниконь и ударницань армияти, минь странаньконь знатнай ломанензонды, социалистической стройкань геройхненьди—пламенный большевистской паравал!

## Пяшкодезьпрокатонь нолдамаса киза кувалмонь плантть

Днепропетровск. Ноябрь 2-це шистонза аделазе киза кувалмонь прогамман Петровскаень лемса заводть железопрокатнай цехон. Рельсо-балочнай цехсь пяшкдезе киза кувалмонь планонц нинге октябрь 18-це шистонза.

Киза кувалмонь заданиясь ульсь 534 тьсжянь тоннат готовай прокат, нолдаф 546 тьожянь тоннат. Тя нолдаф 128 тьожянь тоннада али 30,5 проц. сяда лама сян коряс, мзяда ульсь нолдаф тяка жа пингть эзда йотай кизоть. Кизоть аделамс планда вельф макстама 125 тьожянь тоннат готовай прокат. Кафта шида меле аделасась Сталень шяняфтомаса киза кувалмонь плантть.

Петровскаень лемса заводть директоро—С. Бирман.

## Автомобилень и тракторонь нолдамась

Автотракторнай промышленностьсь вельф пяшкодезе автомобилень и тракторонь тиемаса кемемень ковонь планонц. Тя пингть эзда нолдаф 77,977 автомобилхть — планц пяшкодф 102,1 процентс и 82,592 тракторхть—планц пяшкодф 101,2 процентс. Плантть вельф пяшкодф сембе заводтне Челябинской тракторнай заводта башка. Вишкста работась тракторнай заводтне октябрьста, пяшкодезь ковонь планшон 110,3 процентс, а Харьковонь тракторнай заводсь—117,9 и Сталинградскайсь—111,5 процентс.

## 300 тьожятть автомашинат кизоти

Горький, ноябрь 2-це шистонза аделаз Молотовонь лемса Горьковской автозаводть касфомаса технической прекить тиемац. Прекить коряс арьсеф заводса нолдамс эрь кизоня 225 тьсжянь грузовой и 75 тьсжянь легкой автомобилхть. Наркомтяжпромонь автотракторнай промышленность главнай управлени прсекить лувозе цебяренди.

## 75 тоннань кранц анок

Ленинград, ноябрь 2-це шистонза. Тячи Кировской заводса аделашневи машина инь васеньце 75 тоннань самодвижущай крантть кочкамац. Тяшкава оцю кран СССР-са тиеньдеви васеньцеда. Тя агрегатт нолдамац арьсеф сатфисомс аф анычек Кировской заводти, но и сембе советской тяжелой машиностроениянтьге.

Ванды Кировской заводса тиихть крантти технической испытание и НКПС-ти сонь максомс.

## Виде радиосоткс Москуста-Игаркав

Красноярск, ноябрь 2-це шистонза. Игаркаса ушерф од ви радиостанция строительства. Сон кармай обслуживанда автотрансень и метеорологический станцииень и макс возможность тиемс виде соткс Игарка мархта Москут йоткса.

Оборудованиянь основной паяльские усфт ни Игаркав.

## Стакаль сире эряфсь

Эрясть ашесть: аят-бабат--

Кафта идьсна цюра шабат,

Эрясть синь мяк веле песа.

Лувондсть эряфть шиса веса.

Кие корхтай: „пак ни сиредьсть“..

Кие корхтай: „качамс иредьсть“...

Кати тоста, кати эста—

Кулость кафтске синь фкя веста.

Кулофненьди ульсь шувф калма,

Но синь идьсна марясть сталма.

Кизокс марявсть йотафть шисна,

Ашель ярацямс сускомс кишисна.

Кафтске-Ванянь мархта Фомась

Козя алян пильгс ни комасть.

Козя алясь, содаф стама,—

Питнеда аф панды лама.

Пильгозт максы арнеф карьнат,

Зепозт пугы модамарьнат.

Сяконь лангс пинекс уркстанза,

Сайхть сонь кяженза—пикстанза!

Нингя марьги: „паньте ванды“.

Тяфта питне сон вов панды.

А работак шитьке-ветьке,

Ушесь мани или летьке.

Ванясь, Фомась паксят шарондсть—

Козя-алань стадат ванондсть.

Лангозост синь пизепт пизьсесь,

Пялес вача куломс сизьсесь.

Лама стама пингта сашендсь—

Кафтске сярдеме прашендсть.

Эх, и эряфсна синь стакаль,

Нужась теест анычек акаль!..

Сире эряфсь наксадсь калекс,

Солась нужась ловонь фалекс.

Срафть и калафть ташта перяфсь,

Ванянь, Фомать тани эряфсь!

Сталмось лангост кафтскень олась,

Панжевсь ингелест синь школась.

Саты каннесть козянь локшет,

Лангсост рахсесь, што синь мошкет:

„Апак штакт и пак рудазуфт“..

Прясна сиихть, колай тазуфт“..

Тани эряхть синь аф стана—

Школав якяхть: Фоме, Ваня!

Школав максозь вийснот марнек,

Тани кафтске синь ударник!

## М. Горькайт лемса Мокшэрзянь педагогической техникумонь Физкультурнай отделениень васеньце и омбоце курсненьди

Физкультурнай движениянь кельгсма будущей командирхт. 18 кизоттоподсь СССР-са Великай Пролетарской революцияти. МАССР-нь Физкультурнай Высшай Советть президиумоц поздравляндакшнетезе павазу цюранзон и стирензон Великай Пролетарской праздник мархта.

Тяниень пингть тинь задачантьге ащи именна сян эса. Кода азозе В. И. Ленин: тонафнемс, тонафнемс и тонафнемс, а тя значит, што теенть эряви лацкас тонадомс рабочей классть союзса крестьянства мархта Пролетарской революциянь завоеваниянень страте-

гиясна, тонафнемс анычек на „отлично“, тонадомс спортивной высотатнень, улемс анок эрь минутане стямс эсь павазу прекраснай эряфонтьтень аралема, конанц максозь теенть минь большевиконь Сембе Союзонь Коммунистической партияньке и сонь мудрай вождец Сталин ялгась.

Арьсетама теенть радостнайста йотасфтемс пролетарской праздникть.

ВСФК-нь председателсь ЦИК-нь президиумть членоц—Очкин

МАССР-нь ЦИК-ть эса ВСФК-ть ответственный секретарец—Купер.

## КАФТА ИДЬКС ПИНГТ

Иван Иванович Пунькаевсь Б. Березниковань МТО-са рабочей. Сон работай столаркс 38 це кизоссь.

Минь ашетама озада семьянц ваксса. Да иднят—корхтай сире рабочейсь: миньдейнек ингольден сире оцю азоронь Россияса эрямась ульсь пак калдяв.

Минь семьясонок ульсь 7 ломатть, тонафнемс ашель кодамовок возможность. Ну, якань мон школав фкя киза, сяда меле монь максомась тонафнеме ремеслас, ко-са монь пиксемазь, сюецкшнемазь. Тонафнемать вастс, мастарсь кучсемань винанкса. Мзярда мезе мезе тият аф сонь ладонза, то уске-тянза шяярда. Тяфтания мон работань 20 кизода лама.

Тяда меле, мон улень Якстерь армияса, кося савсь тейнек тюремс рабочей классть тевонц инкса, тру-

дьяшайхнень цебярь эряфснот инкса.

Пунькаев ялгать семяц ащи 7 ломаньца и сембе иденза весялат, радостнайхть, йосфикс аф похожайхть сире идьтненьди, конат кассть проклятай капиталистической обществаса.

Вов школань ударниксь—Лунькаев Шура. Сон шовдава стай 7 частста, тий гимнастика и лацкас завтраканда меле моли аккуратнайста школав.

Шурань кельгома тевонц—авиомоделизмась. Сон лувонды книжкат отважнай летчикнень, парашютистнень и парашютистканень колга.

— Анычек аделамс 10-ти леткась, а тоса обязательна карман тонафнема летчикокс,—корхтай Шура. Г.

## АНИКОВСЬ ПРИМЕРНАЙ УЧИТЕЛЬ

Федор Васильевичсь од учитель. Сон работай колмошка киза, но нят колма кизьтнень эзда сонь кармасть содамонза, кода цебярь, машты учительнень.

Аников ялгась комсомолец, Варваринской начальнай школать (Березниковонь р-н) заведующаец и 4-це класса преподаватель. Сонь образованияц средняя и тевонц вятсь пак аккуратнайста: школать эсь пингстонза петьфтязе, аноклась сатомшка учебнай пособиа, школасонза посещаемостьсь 99 проц.

Сонь руководстванц ала стройс нолзави нинге фкя од школа, конанц

пак цебярьста оборудовамац и конанц колхозникне Октябрьской революциять 18-це годовщинанцты подаркань эземца паньчсесазь эсь идьснотды. Комсомолешть—Аниковть премировандамс МАССР-нь Наркомпроссь Бубновть лемса фондстонза явошни ярмакт. Федор Васильевичсь максси кемея вал—нолямс эсь школастонза бесклассовой социалистической общественнай сознательнай строительхть. Г.

## КАСЫХТЬ ИДЕНЬ КУЛЬТУЬНАИ УЧРЕЖДЕНИЯТНЕ

Судасова велеса (Березниковонь р-н) илять пуромкшникхть шабатьне эсь колхознай идень кудозост и тоса тонафникхть моделизмать, военной тевть, тиеньдихть идень спектакольхть—няфнесазь эсь творчеством.

Тя идень работать организатороц—школань инь цебярь ученикс—Ваня Кроткинц—тяфтама „колхознай идень кудта“ Березниковань района 4, конатнень эса иднятне касфнесазь эсь содама шиснот и культурнайста йотафнесазь пиньгснот, конац ашель кода теест тиемс Октябрда инголе.

Минь портиянеке и пролетариатть великай вождец Сталин ялгась заботе-дайхть и касфникхть од поколениять эса.

Пролетарской великай праздниконь шиня идьтне кучсикхть инь седи ваксстонь, кельгома паравал великай вожди—воспитательти Сталин ялгати. А. Гирдо.

## Октябрьнь шитьнень эзда

Саранской табачнай фабрикань фабкомсь празниконьди музыкальной кружоконь организован-дамс рамась струнной инструментонь полный комплект.

Октябрьской шитьнень фабрикань клубса кармай морама синь-цень оркестрсна.

МАССР-нь осовавиохимть Центральной Советоц октябрь 8-це шистонза йотафни стрелковой соревнованият мелкокалибернай винтовкаса, кося примайхть участия военкоматонь и Осовавиохимонь командатне.

Инь цебярь стрелокненьди ладьсеви хть 3 премият: 100, 75 и 50 цалковайхть.

(М—Т)

Отв. редакторсь Ф. С. РУСЬКИМ

Уполномоченный главлита № 1721. Тираж 1882. Заказ № 3246.

г. Саранск типография „Красный Октябрь“ Мордгиза